


KƏ KƏ Y ʼBASIN



ŊEME BƏ KƏKƏY

Bə minti tam dəlaŋ ne de a ko bə minti tam a dəŋ kəm hōy ada baŋ, tam mante gud kəkəy duŋ wəra kəm ajewa. Adoro ta, a kəkəy tó bə gəryiŋaŋ, tam ke dərəm wəra ke bə gole kəkəya. Tam bə asaŋ ne minti kəna tam lenter, tam hare da adorda anə cəlam fadi bə golde kəkəy piŋiŋa.

Saksaki dər hiti náŋa cəərə seŋkaŋa kənaŋ, áŋ bə de haa cəərə kəkəy bə minti de a mele áŋ a ko bə minti tewe du paapaŋ. Bə minti áŋ tuukuŋ ne adənaŋ, ko toŋ kole hōy ba. Tam de kəlaŋ, cəərəm de a awe ane moŋ, nuutu de dərəm mo?

KARMAN BƏ ʼDEKRE NÁŋ

Gud bele kə Pepeŋa daana gud giidu pəsaŋa, wə ayaŋ karman bə ge dər áŋ a kəkəya,

haa Kel nuutuŋ. Yə ge dər áŋ wəra pədaki a kəkəy bə minti de apəyaŋ. Áŋ falte kel yaŋ giidə kefter toŋa kay kənaŋ, gə minti yə təkəy giidə Kefter kə Pepeŋ daŋ. “Kel nəmtiŋ haa lampa de minti wele koŋ wəra bə minti kamparen malte adaŋ, yə haa pədaki de minti wele kəkəy wəra tiiniŋa.” (Ps. 119:105).

KƏKƏY VƏDƏ-VƏDIN

Kaa ablaw haŋ kəkəy toŋ. “Ku kuli boblo bəhiŋ, kəkəy duŋ boblo vədə-vədi gəm. Kaŋ ablaw bə hawa.” (Mt. 7:13).

Dange de kaa gə minti bə de a kəkəy toŋaŋ ha’aŋ, diri wəra de gubte-gubti. Paapa de diri minti té kəna cəərə kəkəy bə minti de a mələy wəra a besəŋa ba. Kel teŋ paapa bə hiiriŋ ciiriŋa anə weseka a ko kəmana ba.

“Kaa ablaw diki minti té haa a kəkəy pisiŋa. Ana doloy ha’añ, yə a kəkəy bə minti dee a mələy guudi wəra a meŋaŋ.” (Prov. 14:12). “Nərtitiŋ, kumna bə cəərə seŋkaŋ, bəəwəŋ diki də kaa gə minti heŋēŋ ku tərmeŋiŋ wəraŋ.” (cf. 2 Kor. 4:4).

EELƏŋ

Kaa gə minti bə də a kəkəy toŋaŋ ha’añ, yə də eele də baymelenə ciiri: “Gud bə minti yə kedə kaa kə ji baymelenə. Gud teŋa ta, yə wəra gə haa-he giidi tooto sar Pepeŋa dər boblo nuutuŋa.” (Rom. 3:23). Aŋ paapa gə nakə-neke bə mete baymele anə mənə dər Pepeŋa ba. “Hulum kisirkiŋ gole haa agal taakəwaŋ təwa’i, səma Tewbaŋ gole nuutuŋ haa ku tarmə hulum.” (1 Sam. 16:7). Kaa teŋ ha’añ, eelenə bə əsə-əsi ciiri. Aŋ paapa gə nakə-neke bə he baymele wəra anə mənə’i sar aŋa də səbaki nāŋ ba. Cəwaŋ bə raawe wəra, anaŋa eelenə bə zeete guudu golde ko bə hi kuurə hulum wəra fadi gəm. “Gud maa mo werke bə gud baymelenə haa meŋ.” (Rom. 6:23).

WELDE BƏ KOŋ

Welde bə koŋ giidə foto toŋa tá kənaŋ ge dər cəərə kəti kə Pepeŋa. “Hulum mundu mundu mo caw, cuuru dee a awe haa a meŋa kampa daaməna fadi, adordə teŋa kəyaŋ, Pepeŋ jəmu kəti du.” (Heb. 9:27). “Kəya ten asaŋ jaŋa mooto bərwa də kumnaŋ, Pepeŋ bə əsə-isi cəərə... Kəya ten asaŋ jaŋa mooto bərwa də kumnaŋ, Pepeŋ bə əsə-isi cəərə... Kəya ten asaŋ kaa kə mee-me, kəmtəŋ, də koncoŋ, gil-gil tiinə jaŋa də kumnaŋa. Kəya yə pəntəŋ kefter kəman ada. Yə bəŋəŋ baalaŋ kəman ada mənə, toŋ haa kefter bə dədərgəŋ. Pepeŋ jəmaŋ kəti də mindi mindi mo kedə də aŋar də joŋre bə minti wə a juunuŋ. Mindi mindi mo bə minti səmu paapa bə jeerə-jeere giidə kefter bə dədərgəŋa baŋ, yə gəənu dər cəwaŋaŋ.” (Vede 20:11-13,15).

CƏWAŋ

Pepeŋ cətcəti daana wə beti gəm. Gud teŋa ta wə yaake baymelenə bay ge danggay du ba. Kel kə Pepeŋ bə waate aŋa wəra minti

cəwa də bay nokenə yaŋ. Ko toŋ haa ko bə se lasi də minti tewe baŋ. Yə jəŋ ko toŋ haa a kaa gə minti paapa bə humi kosəŋa cəərə Pepeŋa ba. Wəra bə jeerə-jeere giidə Kefter kə Pepeŋa minti: “Kaa kə sərəkəŋ bə də na a ve dər cəwaŋa. A gəəziŋa, kaŋ kedə gə minti paapa bə bele kel kə Pepeŋa baŋ bə də na a ve dər cəwaŋa gəm.” (Ps 9:18). Də a ko toŋ na haa paapa kaa gə minti baymele neetenə dəŋaŋ kə kumsiŋ me ba. Səma kaa gə minti paapa bə diki cəərə Pepeŋa anə weseka baŋ, də ada na gəm.

Səma Pepeŋ ha’añ, wə Pep bə beləŋ gəm. “Wə paapa də tay də minti hulum basə anə mənə ba, wə bele haa minti kaŋ kedə kolə kirki la a baymele neetenə.” (2 Piy. 3:9). Gud giidu pəsəŋa daana bele nuutu bə bay tewəŋa tə pə moŋ, wə dampaŋ kəkəy wəra dərə’i minti kaŋ a də a ve dər cəwaŋa ba. Kəkəy toŋ haa kə kaa gə minti bele də ada gəəzi-gəəziŋ. Aŋ də caadə fele kəkəy bə dədərgəŋ mo?

KƏKƏ Y BƏ DƏ DƏRGƏŋ: HAA HULUM BƏ SEERƏŋ

Aŋ paapa gə nakə-neke bə de kusrə aŋ wəra ku baymelenə daana ku danggay duŋa bə tə pə moŋ, Pep Abaŋ ayaŋ seerenə a aŋ. “Gud teŋa ta, wə ayaŋ kurmuŋu mənə’iŋ da minti mindi mindi mo doŋ guuduŋ, wə a bese wəra ba, səma wə falə nuutuŋ la haa dədərgə də bay tewəŋ.” (Zaŋ 3:16). Hulum bə seere toŋ, wə jəŋ cəərə seŋkaŋa kəna bə hulum kisirki ana gəm. Səma wə jəŋ baymele hōy ba anə ceki. Wə deetenə wəra a koŋa ta’ta’i bə ji pisiŋa, bə seerte kaa kə deməŋa. Wə koltoŋ kaa kə fəyaŋ wəra pəsəŋ, wə sarmətaŋ kəwal wəra cəərə kaŋa, wəgətəŋ giidu wəra cəərə kaa gə minti koltoŋ kirki a baymele neetenə, wə hatəŋ kaŋ daana wə waataŋ Kel pəsəŋ kəmarwaŋ gə minti waate cəərə Kumna kə Pepeŋa wəraŋ.

Səma kel gə minti wə bəŋ guudiŋ haa bə bi a kole wəra damdi huluma ana, bə me wəra damdi keere bə jəə-ji cəərə nāŋa kedə. Wə Pepeŋ də kusru tə pə moŋ, wə ayaŋ kusru cətcətiŋ wəra, daana kor du cətcətiŋ

gaŋ wəra bə baade baymele nán wəra. Wə yaakaŋ kusru bə de a kaa kə sərəkəŋ. Yə wutnu hāā bə minti kirku kolon wəra bə pi də kor. A ko toŋa ta, yə məlnu kaŋkəlaŋ kəjəm cuuru. Yə cu'utunu kerkə kəəsu daana kerkə kəmpuru bə bəlu wəra a kəbaŋ gə largaŋa. A ko toŋa ta, wə saŋ lasiŋ daana wə meŋ wəra guudəna, guuduma gəm. “Wə də kusru, wə haŋ baymele nán cuuru, wə saŋ lasiŋ də baymele neaŋ toŋ warna suru na də bə minti yə bəlnu wəra a kəbaŋ gə largaŋaŋ.” (1 Piy. 2:24).

HARE DU WƏ RA DƏ DƏ RGƏ ADORDƏ MEŋA

Adordə minti Yeesu Kristu hətəŋ wəra a tələŋkaŋa soopeŋ, wə haraŋ wəra dədərgə adordə meŋa. Wə gəryəŋ daana wə naltaŋ də kaa kə guuduŋ hiti hor-hor waade. Kəya wə kooron apəy na tarmə Pepeŋ na. A ko toŋ na ta, wə bə əsə-əsi a kasi kemer kə Pepeŋa. Wə haa hulum bə seereŋ, wə dədərgə saksaki. Bədoona ta, “Pepeŋ əynu abay wəra kede apəy na, adawra kəna gəm.” (Mat. 28:18). “Gud teŋa ta, wə bə nakə-neke bə seere kaa gə minti gə zee-ze sar Pepeŋa maŋ kir kəəsu wəra bə fadnə-fadna gud bə minti wə saksaki caw dədərgə bə waate kela tiinə Pepeŋa gud kel diŋ.” (Heb. 7:25).

KO BƏ APƏYAŋ

Ko bə apəyaŋ haa ko bə minti Pepeŋ bə əsə-əsi adaŋ dər məyan nuutuŋa adaŋ kede. Barkaŋ Yeesu waataŋ minti: “Ten koore a dampaŋ kuliŋ. Ten dəmpunu da ne wardaŋ, ten hare yaŋ da a humuŋ warna sarən na kir minti aŋ dee la a isi a ko bə minti ten bə əsə-isi adaŋ gəm.” (Zaŋ 14:2-3). Ko toŋ haa ko pisi ablaw. A ko toŋa ta, “Pepeŋ bə sətəy kan kə diri yaŋ wəra kede. Meŋ bə ji pəda, laawəŋ, hageŋ daana lasiŋ bə ji pəda gəm, gud maa mo kar gə dayday təwaŋ ne wəra.” (Vede 21:3-4). “Ko bə duugŋ bə ji pəda... gud bə minti Barkaŋ Pepeŋ mele pədaki nuutuŋ yaŋ ciiri.” (Vede 22:5).

Ko toŋ haa ko cətceti. “Karman bə minti paapa cətceti baŋ bə kele giidə vil taŋ da ba, hulum bə miinti jəəti dəgləŋ daana ɲete

kel kele ada na bə gəm. Ve ada na haa kaa gə minti səməy a wəra gə jeerə-jeere giidə kefter bə dədərgə kə Kormə Taaməkaŋaŋ təwa'i.” (Ved. 21:27).

Səma kəkəy bə minti de a mele kaŋ apəyaŋ ha'aŋ, wə daaməna fadi. Barkaŋ Yeesu waataŋ minti: “Ten haa kəkəy, ten haa gəəziŋ, ten haa dədərgəŋ. Hulum neke bə de sar Abaŋ bay ten ba.” (Zaŋ 14:6). “Neke bə seere kaŋ haa Yeesu daaməna fadi. Gud maa mo Pepeŋ ayaŋ sam hulum baalaŋ a kaŋ kəna adawra kir minti aŋ falə seereŋ la guuduŋ pəda; wə ayaŋ ha'aŋ, sam Yeesu məna fadi.” (Jonre 4:12).

HULUM HE KƏKƏKƏY BƏ APƏYAŋ NAANAANƏ HE MO?

1. “Aŋ kolə kerkeŋ la a baymele nəətiŋ, aŋ doo la gud Kel pəsəŋ kəmarwaŋ kə Pepeŋa.” (Markə 1:15).

2. Bəda sar Yeesu da dər tooseŋa. Aŋ bəda suru da damdi bə kəyaŋ ana'i, de eele bə baymele nəətiŋ. Aŋ wətu la minti wə vəegə giidu la wəra cəerəŋa. Wə waataŋ minti: “Hulum bə minti bəŋ ne sarənaŋ, ten həru duru warna ba anə ceki.” (Zaŋ 6:37). “Aŋ kaa gə minti gəyaŋ wəra kas eele bə hale ku giliŋ, aŋ bəda sarən da, ten ayaŋ faake yaŋ.” (Mat. 11:28).

3. Bə minti aŋ seerə la wəraŋ, aŋ malə diki dəŋ la cəerə Kristu daaməna. “Kor də Yeesu Kurmuyun pi baymele nán wəra neŋneŋ kede.” (1 Zaŋ 1:7).

4. Wə ayaŋ dədərgə təmarwaŋ yaŋ, dədərgə də bay tewəŋ. Kristu waataŋ minti: “Hulum bə minti iski kel gə minti ten wətəy, wə doŋ ne gud Barən bə minti gaanan daŋ gəm, hulum toŋ gəlaŋ dəərgə də bay tewəŋ ne wəra daw. Kəəti daw pəda, wə cakdaŋ da ne warda cəerə meŋ da, wə mán wəra a dədərgəŋa daw.” (Zaŋ 5:24). “Bədoona ta, hulum bə minti wəra bə tapə-tepe də Kristuŋ, wə mán hulum kimirwi. Kəya kar gə dayday gə minti wə a bə de guudiŋ pa pəda, wə bə de mán ha gud kaayaŋ kəmarwaŋa.” (2 Kor. 5:17).

5. Aŋ fele kəkəbiŋ daana diki dəŋ ji yaŋ bə malə-mele gəm. “Bədoona ana, pepeŋ wəra

bə kolə-kole áŋ deker duru gud deŋa tɛ pɛ moŋ, kəkabiŋ máŋ hebkəna aduubə də áŋa də Pepeŋ gud Barkaŋ náŋ Yeesu Kristuŋa.” (Rom. 5:1).

“kel kə bar kəkəy gə minti Pepeŋ wəətənəy wəraŋ haa minti tó ayaŋ dədərgə də bay tewəŋ a áŋ. Dədərgə taŋ, aŋ falnə haa gud Kormə toŋa. Hulum bə minti Kormə Pepeŋ nuutuŋ, dədərgə taŋ nuutu gəm. Hulum bə minti Kormə Pepeŋ paapa nuutu baŋ, dədərgə taŋ paapa nuutu bə gəm. Aŋ kaa gə minti gə doo-de a sam Kormə Pepeŋaŋ, ten bə jeereŋ kefter toŋa ha’əŋ minti aŋ asə la wəra minti dədərgə də bay tewəŋ a haa kaasəŋa.” (1 Zaŋ 5:11-13).

TAM DE GUD DƏDƏRGƏ TƏMARAWAŊA NAANAANƏ DE MO?

1. Aŋkə Kel kə Pepeŋa la dər hitiŋa saksaki. Yə haa pəđaki də minti wele koŋ a kəkəy náŋa daana so bə minti seepe dədərgə də áŋ. “Aŋ jəə la bə bele kel cətceti kə Pepeŋa damdi beebe konce bə kasi nuru bele kaw də nuruŋ ana gəm, kir minti aŋ say la bə si hāā a ko bə minti Pepeŋ de a de ku seereŋ wəra a nəəŋəŋ.” (1 Piyer 2:2). Aŋ dəlaŋ ne bə aŋke Kel kə Pepeŋaŋ, aŋ waatə Pepeŋ la minti wə dekreŋ la daana wə hataŋ la də Tiiru Cətcetiŋ.

2. Aŋ zee la sar Pepeŋa dər hitiŋa saksaki dər tooseŋa. Aŋ toosə la də sam Yeesu. “Aŋ a hoye diki dəŋ gud karman kəmana ba, səma də ko muntu muntu mo, aŋ waatə Pepeŋ la dər tooseŋa cəərə karman bə minti aŋ də caaduŋ, aŋ jəw suuse la də talma

pəsəŋ gəm. bədoona ta, kəkabi nuutuŋ də minti kel dəŋ dəŋaŋ diki də áŋ wəraŋ, amaŋ ku tarməyaŋ daana diki dəŋ yaŋ, gud bə minti aŋ haa kasi Yeesu Kristuŋa.” (Fil. 4:6-7).

3. Aŋ waatə sam Kristu la wəra a kaa gaalaŋ gəm. “Dee la akera sar gə gerdem, tupuy bəlam də kel gə minti Barkaŋ jiiniy sarəma la kede daana minti wə jəŋ giidu pəsəŋ sarəma naanaanə moŋ.” (Markə 5:19).

4. A ko bə minti Satan dəlaŋ ne bə kaŋ kuŋaŋ, aŋ darə kuŋ la a Barkaŋ. “Bə hebkənaŋ, wə bə nakə-neke bə keye kaa gə minti Nərtitiŋ bə kay kuyaŋ gud bə minti tó də kusru wə ləsəŋ ku ke ku kə Nərtitiŋa gəm.” (Heb. 2:18).

5. Aŋ vaŋ ne dər baymeleŋaŋ, aŋ kaa kuŋ la wəra cuuru a Pepeŋ cəlam fadi. “Səma áŋ kaŋ ku áŋ ne wəra cəərə baymele náŋaŋ, Pepeŋ vəəgi giidu yaŋ wəra cuuru, daana wə pi baymele náŋ yaŋ wəra kede, gud bə minti wə bəti daana deker.” (1 Zaŋ 1:9).

6. Aŋ tapə la də kumsəŋ gə doo-de gaalaŋ. “Haa kay kənaŋ ku gili katən: aŋ balə kumsəŋ la aduubə də kumsəŋa damdi ten a balnaŋ ana gəm.” (Zaŋ 5:12).

7. Aŋ doo ku Pepeŋ la saksaki. “Hulum bə minti bəlan, wə humi kosəŋ yaŋ cəərə kel gə minti ten wəətəy.” (Zaŋ 14:23).

8. Aŋ a ji walka ba, gud maa mo Kristu yaŋ dərəŋ. “Pepeŋ də kusru waataŋ wəra minti: ‘Ten yaakam wəra ba, ten bəyam warna bə gəm.’” (Heb. 13:5).

9. Aŋ ayə kusrəŋ la wəra nəŋnəŋ kede a Barkaŋ Yeesu Kristu. Aŋ yəəku la bə de dərəŋ damdi giidu bəlaŋ ana’i. Aŋ jəŋ ne bədoonaŋ, aŋ fele pisi bə gəəzi-gəəziŋ yaŋ.

Nous vous invitons à nous contacter pour faire des arrangements concernant de nouvelles traductions de notre littérature nous informant de la langue dans laquelle vous pouvez traduire cette littérature évangélique. Votre aide sera beaucoup appréciée.

Si vous avez trouvé le salut en Christ ou si vous avez été béni par notre littérature, nous vous prions de nous le faire savoir. Nous aimerions remercier Dieu avec vous et prier pour vous.

Pour obtenir gratuitement de la littérature évangélique, des livres et des traités en plus de 540 langues, écrivez à:

E-MAIL: info@angp.co.za

ALL NATIONS GOSPEL PUBLISHERS

P.O. BOX 2191, PRETORIA, 0001, R.S.A.

(Une Mission de Littérature évangélique financée de dons)

(Reg. No. 1961/001798/08)